

# Aqheedatul Waastiya

Muallif: Shaikul Islam Ahmad bin Abdul Haleem Ibne Taimiyyah

Translated By: Abul Mukarram Abdul Jaleel

To Roman: *Rehan Syed Barey* (rehan.hse@live.com)

## Arze Naashir

Allah Ta'ala ki tauheed ka iqraar aur qalb o rooh ki gehraaiyo'n se is par emaan laana tamaam musalmaano'n par farz hai, bane nooh e insaan ki taqhleeq ka maqsad yehi hai ke Allah Wahdahoo Lashareek ki khaalis ibaadat ki jaae aur Allah Ta'ala ne apni kitaab Quraan e Majeed mein jo sifaat bayaan farmaai aur Allah ke Rasool Muhammad (s) ne apni ahadees mein jo sifaat bayaan ki hain in tamaam par emaan rakha jaae. Aur Maqhlooq ki sifaat se inhe'n tashbeeh [T: Compare] n dee jaae. Allah Ta'ala ne Shirk o Bidaat se logo'n ko daraaya, lekin aaj bahot se musalmano'n ka aaina e tauheed, shirk o bidaat ke ghubaar se aalooda hai [T: Covered with Dust] aur isko apne liye hidaayat ka sar-cashma tasavvur karte hain.

Zer e nazar kitaab mein mauluf ne Firqa e Naajiya - Ahlus Sunnah Wal Jamaa'ah ka aqeeda bayan kiya hai. Ahlus Sunnah Wal Jamaa'ah ka aqeeda hai ke Allah par, iske Farishto'n par, iski naazil karda Kitaabo'n par, iske Rasoolo'n par, yaum e Aaqhirat par, aur Taqdeer par emaan rakha jaae.

Ye kitaab Al-Kitaab International ki taraf se shaae ki jaa rahi hai. Allah Ta'ala se ummeed hai ke iske muta'ale se hamaare musalmaan bhai Deen e Islam ke raas aqaaed ki tafheem [T: Understanding] mein bhar poor madad haasil kar sake'nge.

Allah Ta'al hamaari is koshish ko sharf e qubooliyat baqhshe. Aameen

Shaukat Saleem

Al-Kitaab International

**Alhamdulillah Rabbil A'alameen, wa Salaatu wa Salaamu A'alaa Ashrafil Ambiyaa'i wa Mursaleen, Nabiyyina Muhammad wa A'aalihi wa Sahbihi Ajmaeen.**

**Amma Ba'ad:**

Zer e nazar kitaab Shaikul Islam Ahmad bin Abdul Haleem Ibne Taimiyyah [rh] ki giraa'n qadar taleef 'Aqeedatul Waastiya' ka urdu tarjuma hai, joa aqheeda e salaf ke bayan mein ek muqhtesar, magar jaame risaala hai. Daftar Da'awat wal Irshaad Suldaana, Riyadh ki talab par maine ise Urdu mein muntaqil kiya hai. Kitaab ke is Urdu edition se muta'alliq chand umoor ki wazaahat kardena zaroori samajhta hoo'n:

1. Ye tarjuma maine Daar ul Ifta Riyadh ka shaae kirda nusqha matbooqa [1412 Hijri] ki raushnee mein kiya hai.
2. Asal kitaab mein Quraani ayaat aur ahadees ki taqhreej nahi thee, ifaadiyat ki gharz se maine ayaat o ahaadees ki taqhreej kardi hai. Nez ahadees ki taqhreej mein iqhtesaar se kaam liya hai. Saheeh Bukhari aur Saheeh Muslim mein hadees maujood hone ki soorat mein deegar kutub e hadees ka hawaala nahi diya hai. Nez kisi hadees ke 1 se ziyaada muqaamaat par marvee hone ki soorat mein umooman ek hi jaga ke hawaale par iktefaa kiya hai.
3. Asal kitaab mein kahee'n par zeli unaween [T: Sub Topics] nahi they, haa'n baaz jagaaho'n par lafz 'Fasl' ke zariye ek mauzoo ko doosre mauzoo se alag kiya gaya tha, maine Urdu edition mein Sheikh Saleh al Fauzaan ki taleef 'Sharah Aqheedatul Waastiya' ko saamne rakh kar hasb e zaroorat zeli unaween qaaem kar diye hain. Ye sab main ne ifaadiyat [T: Beneficial] ke pesh e nazar kiya hai, is se agar maqsad ki wazaahat mein asaani ho to ye Allah Ta'ala ke fazal o taufeeq se hai. Jis par main Allah Ta'ala ka shukr adaa karta hu'n aur agar is kaam se kitaab ke maqsad mein koi khalal ya Sqm [T: Sickness/Misunderstanding] paida ho to iski zimmedaari Raaqim ul Huroof par aaed hoti hai. Jiske liye main Allah Ta'al se maghfirat ka talabgaar hu'n.

Aaqhir mein Allah Ta'ala se dua go hu'n ke wo is kitaab ko awaam o khaas har ek ke liye mufeed banaae aur iske mauluf, mutajim aur naashir ko jazaae khair ataa farmaae, **Innahu Jawaadun Kareem.**

**Wa Sallallahu wa Sallam A'alaa Abduhoo wa Rasooluhoo Muhammad wa A'alaa Aalihee wa Sahbihee Ajmaeen.**

Abul Mukarram Abdul Jaleem

Al Riyadh

20/6/1419 Hijri

بِسْمِ اللَّهِ الرَّحْمَنِ الرَّحِيمِ

## Muqaddama

الْحَمْدُ لِلَّهِ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَهُ عَلَى الدِّينِ كُلِّهِ وَكَفَىٰ  
بِاللَّهِ شَهِيدًا وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، إِقْرَارًا بِهِ وَتَوْحِيدًا وَأَشْهَدُ أَنَّ  
مُحَمَّدًا عَبْدُهُ وَرَسُولُهُ، صَلَّى اللَّهُ عَلَيْهِ وَآلِهِ وَسَلَّمَ تَسْلِيمًا مَزِيدًا. أما بعد:

Ye kitaab Firqa e Naajiya Mansoorah Ahlus Sunnah wal Jama'ah ke aqeede ka bayan hai, inka ye aqeeda hai ke Allah par, iske farishto'n par iski naazil karda kitaabo'n par, iske rasoolo'n par, marne ke baad dobara uthaae jaane par aur bhalee-buree taqdeer [ke Allah Ta'ala ke jaanib se hone] par emaan rakha jaae.

### Emaan Billah Ka Matlab

Allah par emaan lane ka matlab ye hai ke Allah Ta'ala ne apni kitaab Quran mein apni jo sifaat bayaan farmaai hain aur iske Rasool Muhammad (s) ne apni ahaadees ke andar iske liye jo sifaat bayaan ki hain, in sifaat par emaan rakha jaae. Inki bejaa taaweel na ki jaaey, inhe'n be ma'ani na kiya jaae, inki kaifiyat na mutaeen [T: set] ki jaae aur maqhlouq ki sifaat se inhe'n tashbeeh na di jaae.

Ahlu Sunnah ye emaan rakhte hain ke Allah Ta'ala ke misl koi cheez nahi aur wo sunne waala dekhne waala hai.

Allah Ta'ala ne apne liye jo sifaat bayaan farmai hain Ahlu Sunnah wal Jama'at inka inkaar nahi karte, na hi kalaam ko iski jagah se hataate hain, na Allah ke asma o sifaat ke bare mein kajrawee [T: Aberrant- departing from an accepted standard] iqtiyaar karte hain, na inki kaifiyat mutaeen karte hain aur na hi in sifaat ko maqhlouq ki sifaat se tashbeeh dete hain, kyou'nke Allah Ta'ala ka koi hamnaam nahi, koi hamsar nahi, koi shabee o nazeer nahi aur na hi ise kisee maqhlouq par qiyaas kiya jaa sakta hai.

Allah Ta'al hi apni zaat ko aur deegar zawaat ko bhi sab se ziyaada jaanne waala hai. Iska kalaam sab se saccha aur baat sabse acchi hai. Iske baad iske saadiq o masdooq Rasoolo'n ka darja hai. Ahlu Sunnah wal Jama'a ka ye manhaj in logo'n ke bilkul bara'aks hai jo Allah Ta'ala ke bare min atkal pacchao baatei'n kehte hain. Isee liye Allah Ta'al ne farmaya:

***Subhaana Rabbika Bil Izzati A'amma Yaseefoon. Wa Salaamun A'alal Mursaleen. Wal Hamdulillahi Rabbil A'alameen<sup>1</sup>- Tumhaara Rab, Jo Izzat o Jalaal Waala Hai, In Baato'n Se Paak Hai Jo Iske Baare Main Log Kehte Hain Aur Salaam Ho Rasoolo'n Par Aur Tamaam Ta'areef Allah Ke Liye hai Jo Saare Jahaan Ka Rab Hai.***

In ayaat mein Allah Ta'ala ne apne aapko tamaam baato'n se munazza qaraar diya hai jo Ambiya or Rasool (alaihimussalaam) ke muqhalifeen Allah Ta'ala ke bare main kehte hain aur Ambiya o Rasool par salaamati bheji hai. Kyou'nke inho'n ne Allah Ta'ala ke bare mein jo baat kahi hai wo nuqs o aib se paak hai.

Allah Ta'ala ne apne asma o sifaat ke andar nafee aur asbaat dono'n jamaa kiye hain. Is liye Ambiyaa o Rasool ne jo bayan kiya hai Ahlu Sunnah Wal Jama'ah is se sar muwanhiraaf nahi karte [T: do not reject it]. Kyou'nke yehi seedha raasta hai, in Ambiya, Siddiqeen, Shohadaa aur Sauleheen ka raasta jo Allah Ta'ala ki taraf se inaam se nawaaze gae hain.

---

<sup>1</sup> (Surah Saffaat 180-182)

## **Quraan e Kareem Se Allah Ta'ala Ke Asmaa o Sifaat**

Saabega bayaan mein Allah Ta'ala ki wo tamaam sifaat daaqhil hain jo is ne apne liye Surah Iqhlās, jo 1/3<sup>rd</sup> of quran ke baraabar hai ke andar bayaan farmaai hai. Irshaad hai: **Qhul Hu Allahu Ahad. Allahus Samad. Lam Yalid Walam Yoolad. Walam Ya Kullahu Kufoowan Ahad** - Keh Deejiye, Wo Allah Akela Hai. Allah Be Niyaaz Hai. Na Iski Koi Aulaad Hai Aur Na Wo Kisee Ki Aulaad Hai Aur Na Iska Koi Hamsar Hai.

Aur Wo Sifaat bhi jo isne apne liye Quran ki sab se azeem ayaat mein bayaan farmaai hain: **Allahu Laa Ilaaha Illa Huwal Haiyyul Qayyum. Laa Taa Khuzoohu Seenatau'n Walaa Naum. Lahoo Maa Fis Samaawaati Wamaa Fil Ardh. Man Zallazee Yashfaoo l'indahoo Illa Bi-iznihee Ya'alamu Maa Baina Aideehim Wamaa Khalfahum Walaa Youheetoona Bi Shai-im Min l'ilmihee Illa Bima Shaa-a Waseea'a Kursiyyuhus Samaawaati Wal Ardh. Walaa Ya-ooduhoo Hifzuhuma Wahuwal A'aliyyul Azeem** - Allah Wo Hai Jiske Siwaa Koi Saccha Ma'abood Nahi, Wo Zinda Hai Aur Kaenaat Ko Sambhaalne Waala Hai, Ise Na Ooongh Aati Hai Na Neend, Isee Kaa Hai Jo Kuch Aasmaano'n Mein Hai Aur Jo Kuch Zameen Mein Hai. Kaun Hai Jo Iske Paas Iski Ijaazat Ke Baghair Sifaarish Kar Sake. Wo Jaanta Hai Jo Kuch Bando'n Ke Saamne Hai Aur Jo Inse Ojhal Hai Aur Bande Iske Ilm Ka Kuch Bhi Idraak Nahi Kar Sakte, Magar Jitna Wo Khud Chhahe, Iski Kursee Asmaan o Zameen Ko Muheet Hai Aur Asmaan o Zameen Ki Nigehbaani Isey Thakaane Waali Nahi Aur Wo Buland Aur A'azmat Waala Hai. <sup>2</sup>

Ye aayat jo shaqs raat mein padh le iske liye Allah Ta'ala ki taraf se ek farishta nigraa'n muta'aeen kar diya jaata hai aur subha hone tak shaitan iske qareeb nahi aasakta.

Aur Wo sifaat jo Allah ne mundarja zeil ayaat mein bayaan ki hain: **Huwal Awwalu Wal Aaqhiru Waz Zaahiru Wal Baatinu, Wahu-wa Bikuuli Shai-in A'aleem** - Wohi Awwal Bhi Hai Aur Aaqhir Bhi Aur Zaahir Bhi Hai Aur Posheeda Bhi Aur Wo Har Cheez Ka Jaanne Waala Hai. <sup>3</sup>

**Wa Ta Wakkal A'alal Haiyyillazi Laa Yamoot** - Aur Is Zinda Zaat Par Bharosa Rakhiye Jo Kabhee Marne Waala Nahi. <sup>4</sup>

**Wahuwal A'aleemul Hakeem** - Aur Wo Ilm Waala, Hikmat Waala Hai <sup>5</sup>

**Wahuwal Hakeemul Khabeer** - Aur Wo Hikmat Waala, Khabar Rakhne Waala Hai <sup>6</sup>

**Ya'alamu Maa Yalijoo Fil Ardhi Wamaa Yaqhrujoo Minha Wamaa Yanziloo Minas Samaai Wamaa Ya'aruju Feeha** - Wo Jaanta Hai Jo Kuch Zameen Mein Daaqhil Hota Hai Aur Jo Kuch Is Se Baahar Nikalta hai Aur Jo Kuch Asmaan Se Naazil Hota Hai Aur Jo Kuch Iski Taraf Oopar Cadhta Hai <sup>7</sup>

**Wa'aindahu Mafaatihul Ghaibi La Ya'alamuhaa Illa Huwa Wa Ya'alamu Maa Fil Barri Wal Bahri Wa Maa Tasqutoo Min Warqatin Illa Ya'almuha Walaa Habbatin Fee Zuloomaatil Ardhi Walaa Ratbin Walaa Yaa Bisin Illa Fee Kitaabim Mubeen** - Isee Ke Paas Ghaib Ki Kunjiyaa'n Hain Jinhei'n Iske Siwaa Koi Nahee Jaanta Wo Jaanta Hai Jo Kuch Khushki Mein Hai Aur Samandar Mein Hai, Daraqht Se Girne Waala Koi Pataa Aisaa Nahi Jiska Ise Ilm Na Ho Aur Zameen Ki Tareekiyo'n Mein Koi Daana Aisaa Nahee Jisse Wo Baaqhabaar Na Ho. Khushk o Tar Sab Kuch Ek Khulee Kitaab Mein Likha Hua Hai. <sup>8</sup>

**Wamaa Tahmilu Min Unsaa Walaa Tazaoo Illa Bi Ilmihee** - Aurato'n Ka Hamela Hona Aur Baccho'n Ka Tawalud Hona Sab Iske Ilm Se Hi Hai. <sup>9</sup>

---

<sup>2</sup> (Surah Baqhra: 255)

<sup>3</sup> (Surah al Hadeed: 3)

<sup>4</sup> (Surah al Furqaan: 58)

<sup>5</sup> (Surah al Tahreem: 2)

<sup>6</sup> (Surah Sabaa: 1)

<sup>7</sup> (Surah Sabaa: 2)

<sup>8</sup> (Surah al Anaam: 59)

<sup>9</sup> (Surah Faatir: 11)

**Li Ta'alamu Annallaha A'ala Kulli Shai-in Qadeer Wa Annallaha Qad Ahaata Bikulli Shai-in A'aleema - Taake Tum Jaanlo Ke Allah Har Cheez Par Qadir Hai Aur Allah Ne Har Cheez Ko Ilm Ke Etabaar Se Gher Rakha Hai.** <sup>10</sup>

**Innallaha Huwar Razzaqu Zul Qwwatil Mateen - Beshak Allah Sab Rozi-rasaa'n, Tawaanaai Waala Aur Zor-aawar Hai.** <sup>11</sup>

**Laisa Ka Mislihee Shai-an Wahoowas Sameeul Baseer - Iske Misl Koi Cheez Nahi Aur Wo Sunne Waala Dekhne Waala Hai.** <sup>12</sup>

**Innallaha Nie'imaee'n Ya'aizukum Bihee Innallaha Kaana Sameeam Baseera - Yaqeenan Wo Behtar Cheez Hai Jiski Naseehat Tumhe'n Allah Ta'ala Kar Rahaa Hai, Beshak Allah Sunne Waala, Dekhne Waala Hai.** <sup>13</sup>

**Walau Laa Iz Daqhalta Jannataka Qulta Ma Shaa-Allahu Laa Quwwata Illa Billahi - Tune Apne Baagh Mein Daqhil hote Waqt Ye Kyou'n Na Kaha Ke Allah Ka Chhaha Hone Waala Hai, Allah Ki Madad Ke Baghair Koi Taaqat Nahi.** <sup>14</sup>

**Wa Lau Shaa Allahu Maqh Tataloo Walaa Killa Yaf'aloo Maa Youreed - Aur Agar Allah Chhahta To Ye Aapas Mein Na Ladte, Lekin Allah Jo Chhahta hai Karta Hai.** <sup>15</sup>

**Uhillat Lakum Bahimatul Ana'aami Illa Maa Yutlaa A'alaikum Ghaira Muhillis Saidi Wa-Antum Hu-ru-mun Innallaha Yahkumu Maa Youreed - Tumhaare Liye Maweshee, Chaupaaey Halaal Kiye gaey Hain, Bajuz Inke Jinke Naam Padh Kar Sunaa Diye Jaei'nge, Magar Haalat e Ehraam Mein Shikaar ko Halaal Janne Waale Na Banna, Yaqeenan Allah Jo Chhahta Hai Hukam Karta Hai.** <sup>16</sup>

**Famaie'n Yuriddillahu Ai'n Yahdiyahu Yashrah Sadrahu Lil Islaami, Wa Main Yourid Ai'n Yudhillahu Yaja'al Sadrahu Dhaieeqhan Harajan Ka-annamaa Yassa'adu Fis-samaaai - Pas Jis Shaqs Ko Allah Ta'ala Raaste Par Daalna Chhahe Iske Seene Ko Islam Keliye Kushaada Kardeta Hai Aur Jisko Be Raah Rakhna Chhahe Iske Seene Ko Bahot Tang Kardeta Hai, Jaise Koi Asmaan Mein Cadhta Hai.** <sup>17</sup>

**Wa Ahsinuoo Innallaha Youhibbul Mohsineen - Aur Ehsaan Karte Raho, Beshak Allah Ta'ala Ehsaan Karne Waalo'n Se Mohabbat Karta Hai** <sup>18</sup>

**Wa Aqhsitoo Innallaha Youhibbul Muqhsiteen - Aur Insaaf Karo, Beshak Allah Ta'ala Insaaf Karne Waalo'n Se Mohabbat Karta Hai** <sup>19</sup>

**Famastaqaamu Lakum Fasteqeemu Lahum Innallaha Youhibbul Muttaqeen - Pas Jab Tak Wo Log Tumse Mua'aheda Nibhaae'n Tum Bhi Inse Wafadaari Karo, Beshak Allah Ta'ala Muttaqiyo'n Se Mohabbat Rakhta Hai.** <sup>20</sup>

**Innallaha Youhibbut Tawwabeena Wa Youhibbul Mutattahireen - Beshak Allah Ta'ala Tauba Karne Waalo'n Ko Aur Paak Rehne Waalo'n Ko Pasand Farmaata Hai.** <sup>21</sup>

**Qhul In Kuntum Tuhibbunallaha Fattabi'ioone Youhbib-kumullah - Keh Deejiye! Agar Tum Allah Ta'ala Se Mohabbat Rakhte Ho To Meri Ta'abedaari Karo, Allah Ta'ala Tumse Mohabbat Karega.** <sup>22</sup>

---

<sup>10</sup> (Surah al Talaq: 12)

<sup>11</sup> (Surah al Zaariyaat: 58)

<sup>12</sup> (Surah ash Shooraa: 11)

<sup>13</sup> (Surah Nisaa: 58)

<sup>14</sup> (Surah al Kahaf: 39)

<sup>15</sup> (Surah al Baqra: 253)

<sup>16</sup> (Surah al Maaeda: 1)

<sup>17</sup> (Surah al Ana'am: 125)

<sup>18</sup> (Surah al Baqhra: 195)

<sup>19</sup> (Surah al Hujaraat: 9)

<sup>20</sup> (Surah al Tauba: 7)

<sup>21</sup> (Surah al Baqhra: 222)

<sup>22</sup> (Surah al Imraan: 31)

**Fasaufa Yaatiillahu Bi-Qaumi'n Youhibbuhum wa Youhibbunahu** - Allah Ta'ala Bahot Jald Aisee Qaum Ko Laaeyga Jisse Allah Mohabbat Karega Aur Wo Allah Se Mohabbat Karegi. <sup>23</sup>

**Innallaha Youhibbullazeena Youqaatiloona Fee Sabeelihi Saffan Ka-annahum Bun-yaanum Marsoosa** - Beshak Allah In Logo'n Se Mohabbat Karta Hai Jo Iski Raah Mein Saf Basta Jihaad Karte Hain, Goya Wo Seesa Pilaai Huee Imaarat Hain. <sup>24</sup>

**Wahuwal Ghafoorul Wadood** - Aur Wo Badaa Baqhashne Waala Bahot Mohabbat Karne Waala Hai. <sup>25</sup>

**Bismillahir Rahmanir Raheem** - Allah Ke Naam Se Jo Badaa Maherbaan Nihaayat Raham Karne Waala Hai.

**Rabbana Waseeta Kulla Shai-irRahmatan wa l'ilma** - Aey Hamaare Rab! Tune Har Cheez Ko Apni Rahmat Aur Ilm Se Gher Rakha Hai.

**Wakaana Bil Momineena Raheema** - Aur Wo (Allah) Momino'n Par Bahot Hi Maherban Hai. <sup>26</sup>

**Wa Rahmatee Wasia'at Kulla Sahi-in** - Aur Meri Rahmat Har Shai Ko Muheet Hai. <sup>27</sup>

**Kataba Rabbukum A'alaa Nafsihir Rahmata** - Tumhare Rab Ne Maherbani Farmaana Apne Zimme Muqarrar Karliya Hai. <sup>28</sup>

**Wahuwal Ghafoorur Raheem** - Aur Wo Baqashne Wala, Bahot Rahem Karne Waala Hai. <sup>29</sup>

**Fallahu Khairun Haafiza, Wahoowa Ar Hamur Raahimeen** - Bas Allah Hi Behtareen Haafiz Hai Aur Wo Sab Maherbaano'n Se Badaa Maherbaan Hai. <sup>30</sup>

**Radhiyallahu A'anhu Wa Radhua'anhu** - Allah Inse Raazi Hai Aur Wo Allah Se Raazi Hain. <sup>31</sup>

**Wamain Yaqhtul Mominan Muta'ammidan Fajazaauho, Jahannama Khaalidan Feeha Wa Ghaziballahu A'alaihi Wala'anahu** - Aur Jo Koi Kisee Momin Ko Qasadan Qatal Kar Daale To Iski Sazaa Jahannam Hai Jis Mein Wo Hamesha Rahega Aur Is Par Allah Ghazabnaak Hua Aur Ise La'anat Ki. <sup>32</sup>

**Zaalika Bi Annahumut Tabau Maa Asqhatallaha Wa Karihu Ridhwaanahu** - Ye Is Binaa Par Ke Ye Wo Raah Chale Jis Se Inho'n Ne Allah Ko Naraaz Kar Diya Aur Inho'n Ne Allah Ki Razaamandi Ko Buraa Jaana. <sup>33</sup>

**Falamma A Safuna Antaqamna Minhum** - Phir Jab Inho'n Ne Hamei'n Ghussa Dilaaya To Hamne Inse Inteqaam liya. <sup>34</sup>

**Walaakin Karihallahu Ambia'a thahum Fthabathum** - Lekin Allah Ne Inka Uthna Pasand Hi Na Kiya, Is Liye Inhei'n Harkat Se Hi Rok Diya. <sup>35</sup>

**Kabura Maqhtan Indallahi An Taqoolu Maala Tafa'aloon** - Allah Ko Ye Saqht Naapasand Hai Ke Tum Wo Baat Kaho Jo Karte Nahi. <sup>36</sup>

**Hal Yanzuroona Illa Aiy'n Yatiyahumullahu Fee Zulalim Minal Ghamaami Wal Malaaiikatu Wa Khuziyal Amru** - Kya Logo'n Ko Is Baat Ka Intezaar Hai Ke Inke Paas Khud Allah Ta'ala Abr Ke Saeabaano'n Mein Aajaae Aur Farishte Bhi Aur Kaam Intehaa Tak Paho'nchadiya Jaae. <sup>37</sup>

---

<sup>23</sup> (Surah al Maaeda: 54)

<sup>24</sup> (Surah al Saff: 4)

<sup>25</sup> (Surah al Burooj: 14)

<sup>26</sup> (Surah al Ahzaab: 43)

<sup>27</sup> (Surah al A'araaf: 156)

<sup>28</sup> (Surah al Ana'am: 54)

<sup>29</sup> (Surah Yunus: 107)

<sup>30</sup> (Surah Yusuf: 64)

<sup>31</sup> (Surah al Maaeda: 119)

<sup>32</sup> (Surah an Nisaa: 93)

<sup>33</sup> (Surah Muhammad: 28)

<sup>34</sup> (Surah Az Zuhruf: 55)

<sup>35</sup> (Surah Tauba: 46)

<sup>36</sup> (Surah as Saff: 3)

<sup>37</sup> (Surah Baqra: 210)

**Hal Yanzuroona Illaa An Taatiyahumul Malaaiatu Au Yaatiya Rabbuka Au Yaatiya Ba'azu Ayaati Rabbika** - Kya Ye Log Sirf Is Asar Ke Muntazir Hainke Inke Paas Farishte Aaei'n, Ya Inke Paas Aapka Rab Aaei, Ya Aapke Rabki Koi (Badee) Nishaani Aaei? <sup>38</sup>

**Kalla Izaa Dukkati Ardhu Dakkan Dakka Wa Jaaa-a Rabbuka Walk Malaku Saffan Saffa** - Yaqeenan Jis Waqt Zameen Koot Koot Kar Baraabar Kardi Jaaegi Aur Aapka Rab Khud Aajaaega Aur Farishte Safei'n Baandh Kar Aajaaei'nge. <sup>39</sup>

**Wa Yauma Tashaqqaqus Samaa-u Bil Ghamaami Wa Nuzzilal Malaaiatu Tanzeela** - Aur Jis Din Asmaan Baadal Samet Phat Jaaega Aur Farishte Lagataar Utaare Jaaei'nge. <sup>40</sup>

**Wa Yabqa Wajhu Rabbika Zul Jalaali Wal Ikraam** - Aur Aapke Rab Ka Cehra, Jo Azmat Aur Izzat Waala Hai, Baaqi Reh Jaaega. <sup>41</sup>

**Kullu Shai-in Haalikun Illa Wajhahu** - Har Cheez Fanaa Hone Waali Hai Magare Isi Ka Cehra. <sup>42</sup>

**Maa Mana-a'aka Anna Tasjuda Limaa Khalaqtu Bi Yadaaiyya** - Tumhei'n Ise Sajda Karne Se Kis Cheez Ne Roka, Jise Maine Apne Haatho'n Se Paida Kiya. <sup>43</sup>

**Wa Qaalatil Yahoodu Yadullahi Maghloomatu Ghullat Aideehim Wa Loe'enu Bimaa Qaalu Bal Yadahu Mabsootataani Younfiqoo Kaifa Yashaa** - Aur Yahoodiyo'n Ne Kaha Ke Allah Ta'ala Ke Haath Bandhe Hue Hai Inhei'n Ke Haath Bandhe hue Hain Aur Inke Is Qaul Ki Wajah Se Inpar La'anat Ki Gai, Balke Allah Ke Dono'n Haath Khule Hue Hain, Jis Tarha Chhahta Hai Kharch Karta Hai. <sup>44</sup>

**Was Bil Li Hukmi Rabbika Fa-innaka Bia'ayounina** - Aap Apne Rab Ke Hukam Ke Intezaar Mein Sabar Se Kaam Lo, Beshak Aap Hamaari Aankho'n Ke Saamne Hain. <sup>45</sup>

**Wa Hamalnaahu A'ala Zaatil Waahin Wa Dusooringin Tajri Bi-A'ayounina Jazaa-al Liman Kaana Kufrin** - Aur Hamne Ise Taqto'n Aur Keelo'n Waali (Kashti) Par Sawaar Karliya, Jo Hamaari Aankho'n Ke Saamne Chal Rahi Thee, Badla Hai Iski Taraf Se Jiska Kufr Kiya Gaya Tha. <sup>46</sup>

**Wa Al Qaitu A'alaika Muhabbatam Minni Wali Tusna-a'a A'ala A'ainee** - Aur Maine Apni Taraf Se Khaas Muhabbat o Maqbooliyat Aap Par Daaldi, Taake Aapki Parwarish Meri Aa'nkho'n Ke Saamne Ki Jaae. <sup>47</sup>

**Qad Samee Allahu Qaulallati Tujaadiluka Fee Zaujiha Wa Tashtakeee Ilallahi Wallahu Yasmaoo Thaawurakumaaa Innallaha Sameeum Baseer** - Yaqeenan Allah Ta'ala Ne Is Aurat Ki Baat Sunli Jo Tujhse Apne Shauhar Ke Baare Mein Takraar Kar Rahee Thi Aur Allah Ke Aage Shikaayat Kar Rahee Thi Aur Allah Tum dono'n Ke Sawaal o Jawaab Sun Raha Tha, Beshak Allah Sunne Waala Dekhne Waala Hai. <sup>48</sup>

**Laqad Samee Allahu Qaulallazeena Qaalu Innallaha Faqeeru'n Wa Nahnu Aghniyaau** - Yaqeenan Allah Ne Inka Qaul Sun Liya Jinho'n Ne Kaha Ke Allah Faqeer Hai Aur Ham Maalदार Hain. <sup>49</sup>

**Am Yahsaboona Anna Laa Nasmao Sirrahum Wa Najwahum Balaa Wa Rusuluna Ladaihim Yaktuboon** - Kya Inka Ye Khayaal Hai Ke Ham Inki Poshida Baato'n Ko Aur Inki Sargoshiyo'n Ko Nahi Sunte? Balke Hamaare Bheje Hue (farishte) Inke Paas Hi Likh Rahe Hain. (Surah az Zuhruf: 80)

**Innani Ma-a'akumaa Asmaa'o Wa Araa** - Main Tum Dono'n Ke Saath Hu'n, Sunta Aur Dekhta Rahu'nga. <sup>50</sup>

<sup>38</sup> (Surah al Ana'aam: 158)

<sup>39</sup> (Surah al Fajr: 20-21)

<sup>40</sup> (Surah al Furqaan: 25)

<sup>41</sup> (Surah Rahman: 27)

<sup>42</sup> (Surah al Qasas: 88)

<sup>43</sup> (Surah Saad: 75)

<sup>44</sup> (Surah al Maaeda: 64)

<sup>45</sup> (Surah al Toor: 48)

<sup>46</sup> (Surah al Qamar: 13-14)

<sup>47</sup> (Surah Taaha: 39)

<sup>48</sup> (Surah Al Mujaadalah: 1)

<sup>49</sup> (Surah al Imraan: 181)

<sup>50</sup> (Surah Taa Haa: 46)



**Alam Ya'alam Bi Annallaha Yaraa - Kya Isne Nahi Jaana Ke Allah Ta'ala Ise Dekh Raha Hai.** <sup>51</sup>

**Allazi Yaraaka Heena Taqoomu Wa Taqllubaka Fissajideen - Ju Tumhei'n Dekhta Hai Jab Tum Khade Hote Ho Aur Saja Karne Waalo'n Ke Darmiyan Tumhaara Ghoomna Phirna Bhi.** <sup>52</sup>

**Innahu Huwas Sameeul Aleem - Beshak Wo (Allah) Sunne Waala Janne Waala Hai.** <sup>53</sup>

**Wa Quli-ea'amalu Fasayarallahu A'amalakum Wa Rasooluhu Wal Mominoon - Keh Deejiye Ke Tum Amal Kiye Jaao Tumhaare Amal Allah Khud Dekhlega Aur Iska Rasool Aur Eman Wale Bhi (dekh lei'nge).** <sup>54</sup>

**Wahu wa Shadeedul Mihaal - Aur Wo (Allah) Saqht Quwwat Waala Hai.** <sup>55</sup>

**Wa Makaru Wa Makarallahu Wallahu Khairul Maakireen - Aur Kaafiro'n Ne Makr Kiya Aur Allah Ne Bhi (Makr) Khufiya Tadbeer Ki Aur Allah Sab Khufiya Tadbeer Karne Waalo'n Se Behtar Hai.** <sup>56</sup>

**Wa Makaru Makran Wa Makarnaa Makran Wahum Laa Yasho'oroon - Inho'n Ne Makr (Khufiya Tadbeer) Kiya Aur Hamne Bhi Khufiya Tadbeer Ki Aur Ise Wo Samajhte Hi Na They.** <sup>57</sup>

**Innahum Yakeeduna Kaida Wa Akeedu Kaida - Beshak Kaafir Daaon Ghaat Mein Hain Aur Main Bhi Ek Chaal Chal Rahaa Hu'n.** <sup>58</sup>

**In Tubdoo Khairan Au Tuqhfoo Au Ta'afoo A'an Sooo-in Fainnallaha Kaana A'afuwwan Qadeera - Agar Koi Neki Tum Alaaniya Karo Ya Poshida Ya Kisee Ki Buraai Se Darguzar Karo To Yaqeenan Allah Ta'ala Maaf Karne Waala Qudrat Rakhne Waala Hai.** <sup>59</sup>

**Walya'afu Wal Yasfahoo Alla Tuhibbuna Aie'n Yaghfirallahu Lakum Wallahu Ghafoor ur Raheem - Maaf Kardena Aur Darguzar Kardena Chhahiye, Kya Tum Nahi Chhahte Ke Allah Ta'ala Tumhare Qasoor Maaf Farmaade? Aur Allah Qasoor Maaf Farmaane Waala Maherbaan Hai.** <sup>60</sup>

**Walillahil I'izzatu Wali Rasoolihi - Izzat To Sirf Allah Ta'ala Ke Liye Aur Iske Rasool Ke Liye (Aur Momino'n Ke Liye) Hai.** <sup>61</sup>

---

<sup>51</sup> (Surah al A'laq: 14)

<sup>52</sup> (Surah al Shora: 218-219)

<sup>53</sup> (Surah al Anfaal: 61)

<sup>54</sup> (Surah al Tauba: 105)

<sup>55</sup> (Surah ar Ra'ad: 13)

<sup>56</sup> (Surah al Imran: 54)

<sup>57</sup> (Surah al Naml: 50)

<sup>58</sup> (Surah al Taariq: 15-16)

<sup>59</sup> (Surah an Nisa: 149)

<sup>60</sup> (Surah an Noor: 22)

<sup>61</sup> (Surah al Munafiqoon: 8)

Aur Iblees ke baare mein Allah Ta'ala ka ye irshad hai

*Fabi i'izzatika Laughwiannahum Ajmaeen - (Iblees Ne Kaha) Phir To Teri Izzat Ki Qasam! Main In Sab Ko Yaqeenan Behkaau'nga.* <sup>62</sup>

*Tabaarakasmu Rabbika Zil Jalaali Wal Ikraam - Tere Parwardigaar Ka Naam Baa Barkat Hai Jo Izzat o Jalaal Waala Hai.* <sup>63</sup>

*Fa A'abdu Wa Astabir Li i'ibaadatihi Hal Ta'alamu Lahu Samiyya - Pas Isi Ki Bandagi Karo Aur Iski Ibaadat Par Jam Jaao Kya Tumhare Ilm Mein Iska Hamnaam o Ham Palla Koi Aur Bhi Hai?* <sup>64</sup>

*Walam Yakullahu Kufuan Ahad - Aur Na Koi Iska Hamsar Hai.* <sup>65</sup>

*Falaa Taja'alu Lillahi Andaadau'n Wa Antum Ta'alamoon - Khabardaar! Jaanne Ke Bawajood Tum Allah Ke Shareek Muqarrar Na Karo.* <sup>66</sup>

*Wa Minannasi Mai'n Yattakhizu Min Doonillahi Andaa-dau'n Youhibbonahum Kahubbillahi - Aur Baaz Log Aise Bhi Hain Jo Allah Ke Shareek Auro'n Ko Therkar Inse Aise Mohabbat Rakhte Hain Jaisi Mohabbat Allah Se Honi Chhahiye.* <sup>67</sup>

*Wa Qulil Hamdu Lillahillazi Lam Yattaqiz Walada Wa-lam Yakullahu Shareekun Fil Mulki Walam Yakullahu Waliyyum Minallazi Wakabbirhu Takbeera - Aur Keh Deejiye Ke Tamaam Tareefi'n Allah Hi Ke Liye Hai Jo Na Aulaad Rakhta Hai Aur Na Iski Baadshaahat Mein Iska Koi Shareek Hai Aur Na Wo Kamzor Hai Ke Isse Kisee Himaayati Ki Zaroorat Ho Aur Tum Iski Poori Badaai Bayaan Karte Raho.* <sup>68</sup>

*Yousabbihu Lillahi Maa Fissamaawaati Wa Maa Fil Ardhi Lahu Mulku Walahul Hamdu Wahuwa A'ala Kulli Shai-in Qadeer - Tamaam Cheezei'n Jo Asmaan o Zameen Mein Hain Allah Ki Paaki Bayaan Karti Hain Isi Ki Saltanat Hai Aur Isi Ki Tareef Hai Aur Wo Har Cheez Par Qaadir Hai.* <sup>69</sup>

*Tabaarakallazi Nazzalal Furqaana A'ala A'abdihi, Liyakoona Lila'alameena Nazeerallazi Lahu Mulkus Samaawaati Wal Ardhi Walam Yattazhiz Walada Walam Yakullahu Shareekun Fil Mulki Wa Khalaqa Kulla Shai-in Faqaddarahu Taqdeera - Bahot Baa-Barkat Hai Wo Allah Jisne Apne Bande Par Furqaan (Quran e Kareem) Utaara, Taake Wo Logo'n Ke Liye Agaah Karne Waala Ban Jaae, Isi Allah Ki Saltanat Hai Asmaano'n Aur Zameen Ki Aur Wo Koi Aulaad Nahi Rakhta Na Iski Saltanat Mein Koi Iska Saajhee Hai Aur Isne Har Cheez Ko Paida Karke Ek Munaasib Andaaza Tehraaya.* <sup>70</sup>

*Mattaq hazallahu Min Waladin Wamaa Kaana Ma'aahu Min Ilaahin Izallahaba Kullu Ilaahim Bimaa Khalaqa Wala'alan Ba'azuhim A'ala Ba'azin Subhaanallahi A'amma Yaseefoona A'alimil Ghaibi Wash-Shaadati Fata'ala A'amma Youshrikoon - Na To Allah Ne Kisi Ko Beta Banaaya Aur na Iske Saath Koi Aur Ma'abood Hai Warna Ma'abood Apni Maqhlouq Ko Liye Liye Phirta Aur Har Ek Doosre Par Cadh Daudta Jo Ausaaf Ye Batlaate Hain Inse Allah Paak Hai. Wo Ghaeb o Haazir Ka Jaanne Waala Hai Aur Shirk Ye Karte Hain Isse Baalatar Hai.*

<sup>71</sup>

*Falaa Tazriboo Lillahil Amsaala Innallaha Ya'alamu Wa Antum Laa Ta'alamoon - Pas Allah Ta'ala Ke Liye Misaale'n Man Banaao Allah Khoob Jaanta Hai Aur Tum Nahi Jaante.* <sup>72</sup>

<sup>62</sup> (Surah Saad: 82)

<sup>63</sup> (Surah ar Rahman: 78)

<sup>64</sup> (Surah Mariyam: 65)

<sup>65</sup> (Surah al Iqlhas: 4)

<sup>66</sup> (Surah al Baqhra: 22)

<sup>67</sup> (Surah al Baqhra: 165)

<sup>68</sup> (Surah al Isra: 111)

<sup>69</sup> (Surah at Taghabun 1)

<sup>70</sup> (Surah al Furqan: 1-2)

<sup>71</sup> (Surah al Mominoon: 91-92)

<sup>72</sup> (Surah al Nahal: 74)

**Qhul Innama Harrama Rabbil Fawahisha Maa-Zahara Minha Wamaa Batan Wal Isma Wal Baghya Bighairil Haqqi Wa-aie'n Yushriku Billahi Maalam Younazzila Bihi Sultaanan Wa-an Taqoolo A'alaallahi Maala Ta'alamoon** - Aap Kahiye Ke Mere Rabne Hamesha Haraam Kiya Hiya In Tamaam Fahesh Baato'n Ko Jo A'alaaniya Hain Aur Jo Poshida Hain Aur Har Gunaah Ki Baatko Aur Naahaq Kisi Par Zulm Karne Ko Aur Is Baat Ko Ke Tum Allah Ke Saath Kisi Aisee Cheez Ko Shareek Tehraao Jiski Allah Ne Koi Sanad Naazil Nahi Ki Aur Is Baat Ko Ke Tum Allah Ke Zimma Aisee Baat Lagaado jisko Tum Nahi Jaante. <sup>73</sup>

**Ar Rahmaan A'alal A'arsh-istawaa** - Rahmaan Jo A'arsh Par Mustawee Hai.

Quran e Majeed ke andar 7 muqaamaat par mazkoor hua hai, chuna-che Surah A'araaf mein hai-

**Inna Rabbakumullahullazi Khalaqas Samaawaati Wal Arza Fee Sittati Ayyamin Summastawaa A'alal A'arsh** - Beshak Tumhaara Rab Allah hi Hai Jisne Sab Asmaano'n Aur Zameen Ko 6 Dino'n Mein Paida Kardiya Phir A'arsh Par Mustawee Hua. <sup>74</sup>

**Inna Rabbakumullahullazi Khalaqas Samaawaai Walraza Fee Sittati Ayyamin Summastawaa A'alal A'arsh** - Beshak Tumhaara Rab Allah Hi Hai Jisne Sab Asmaano'n Aur Zameen Ko 6 Dino'n Mein Paida Kardiya Phir A'arsh Par Mustawee Hua. <sup>75</sup>

**Allahullazi Rafa'assmaawaati Bighairi A'amadin Tarau-naha Summastawaa A'alal A'arsh** - Allah Wo Hai Jisne Asmaano'n Ko Baghair Sutoon Ke Khadaa Kardiya Ke Tum Ise Dekh Rahe Ho, Phir A'arsh Par Mustawee Hua. <sup>76</sup>

**Ar Rahman A'alal A'arsh-istawa** - Rahmaan Jo A'arsh Par Mustawee Hai <sup>77</sup>

**Summastawa A'alal A'arshir Rahmaan** - Phir A'arsh Par Mustawee Hua Wo Rahmaan Hai <sup>78</sup>

**Allahullazi Khalaqas Samaawati Wal Arza Wamaa Bainahuma Fee Sittati Ayyamin Summastawa A'alal A'arsh** - Allah Wo Hai Jisne Asmaan o Zameen Ko Aur Jo Kuch Inke Darmiyan Hai In Sab Ko 6 Din Mein Paida Kardiya, Phir Arsh Par Mustawee Hua. <sup>79</sup>

**Huwallazi Khalaqas Samaawaati Wal Arza Fee Sittati Ayyamin Summastawaa A'alal A'arsh** - Isee Ne Sab Asmaano'n Aur Zameen Ko 6 Din Mein Paida Kiya, Phir A'arsh Par Mustawee Hua. <sup>80</sup>

**Yaa E'esaaa Inni Mutawaffeeka Wa Raafio'oka Ilaiyya** - Aey Esa! Main Tumhei'n Wafaat Dene Waala Hu'n Aur Tujhe Apni Jaanib Uthaane Waala Hu'n. <sup>81</sup>

**Bal Rafaa'ahullahu Ilaihi** - Balke Allah Ne Inhei'n (Esaa ko) Apni Taraf Uthaaliya. <sup>82</sup>

**Ilaihee Yasa'adulkalimut Tayyibu Wal A'amalus Saalihi Yarfa'o'ohu** - Tamaam Suthre Kalimaat Isee Ki Taraf Cadhte Hain Aur Nek Amal In Ko Buland Karta Hai. <sup>83</sup>

**Ya-Haanaanubni Lee Sarhalla'allee Ablughool Asbaaba Asbaabas Samaawaati Fa-Attalia'a Ilaa Ilaahi Moosa Wa Inni La-azunnuhu Kaaziba** - (Firaun ne kaha ke) Aey Hamaan! Mere Liye Ek Baala Khaana Banaa Shayad Ke Main Asmaan Ke Jo Darwaaz Hain In Tak Paho'nch Jaaou'n Aur moosa Ke Ma'abood Ko Jhaa'nk Lu'n Aur Main To Is (Moosa) Ko Jhoota Samajhta Hoo'n. <sup>84</sup>

<sup>73</sup> (Surah al A'araaf: 33)

<sup>74</sup> (Surah al A'araaf: 54)

<sup>75</sup> (Surah Yunus: 3)

<sup>76</sup> (Surah ar Ra'ad)

<sup>77</sup> (Surah Taaha: 5)

<sup>78</sup> (Surah al Furqaan: 59)

<sup>79</sup> (Surah as Sajdah: 4)

<sup>80</sup> (Surah al Hadeed: 4)

<sup>81</sup> (Surah al Imran: 55)

<sup>82</sup> (Surah an Nisaa: 158)

<sup>83</sup> (Surah Faatir: 10)

<sup>84</sup> (Surah al Mominoon: 36-37)

**Amintum Man Fis Samaai Aie'n Yaqhsifa Bikumul Arza Faizaa Hiya Tamoor. Am Amintum Man Fis Samaai Aie'n Yoursila A'alaikum Haseeban Fasta'alamoona Kaifa Nazeer - Kya Tum Is Baat Se Be Khauf Ho Gae Ho Ke Asmaan Waala Tumhei'n Zameen Mein Dha'nsaade Aur Achaanak Zameen Larazne Lage, Ya Kya Tum Is Baat Se Nidar Ho Gaey Ho Ke Asmaan Waala Tumpar Patthar Barsaade? Phir To Tumhei'n Maloom Hi Ho Jaaeyga Ke Mera Daraana Kaisa Tha.** <sup>85</sup>

**Huwallazi Khalaqas Samaawaati Wal Arza Fee Sittati Ayyamin Summastawaa A'alal A'arsh Ya'alamu Maa Yaliju Fil Arzi Wamaa Yaqhruju Minha Wamaa Yanzilu Minas Samaai Wamaa Ya'aruju Feeha Wahuwa Ma'akum Aina Maa Kuntum Wallahu Bimaa Ta'amaloona Baseer. - Wohi hai Jisne Asmaano'n Aur Zameen Ko 6 Din Mein Paida Kiya, Phir A'arsh Par Mustawi Hogaya Wo Khoob Jaanta Hai Is Cheez Ko Jo Zameen Mein Jaae Aur Jo Is Se Nikle Aur Jo Asmaan Se Neeche Aaey Aur Jo Kuch Cadh Kar Is Mein Jaae Aur Jaha'n Kahee'n Tum Ho Wo Tumhaare Saht Hai Aur Jo Kuch Tum Kar Rahe Ho Allah Ise Dekh Raha Hai.** <sup>86</sup>

**Maa Yakoonu Minnajwa Thalaatha-tin Illa Huwa Raabia'ahum Walaa Khamsain Illa Huwa Saadisuhum Walaa Adnaa min Zaakilka Walaa Aksara Illa Hua Ma'ahum Aina Maa Kaanu Summa Younabbiyyuhum Bimaa A'amilo Yaumal Qiyaamati Innallaha Bikulli Shai-in A'aleem - 3 Aamiyo'n Ki Sargoshi Nahi Hoti Magar Allah Inka Caho'nta Hota Hai Aur Na 5 Ki Magar Wo Inka Cheta Hota Hai Aur Na Isse Kamki Aur Na Ziyaada Ki Magar Wo Inke Saath Hi Hota Hai, Jaha'n Bhi Wo Ho'n, Phir qiyaamat Ke Din Inhie'n Inke Amaal Se Agaah Karega, Beshak Ta'ala Har Cheez Se Waaqif Hai.** <sup>87</sup>

**Laa Tahzana Innallaha Ma'anaa - Gham Na Karo Beshak Allah Hamare Saath Hai.** <sup>88</sup>

**Innanee Ma'akumaaa Asmao'o Wa Araa - Main Tum Dono'n Ke Saath Hu'n Sunta Aur Dekhta Rahu'nga.** <sup>89</sup>

**Innallaha Ma'allazeenat Taqau Wallazeena Hum Mohsinoon - Beshak Allah Parhezgaaro'n Aur Nek Kaaro'n Ke Saath Hai.** <sup>90</sup>

**Wasbiru Innallaha Ma'as Saabireen - Sabar Karo Beshak Allah Sabar Karne Waalo'n Ke Saath Hai.** <sup>91</sup>

**Kam Min Fi-atin Qaleelatin Ghalaban Fi-atin Katheeratan Bi-iznillahi Wallahu Ma'as Saabireen - Basaa Auqaat Thodi Si Jamaat Badi Jamaato'n Par Allah Ke Hukam Se Ghalba Paa Leti Hai Aur Allah Sabar Karne Waal'n Ke Saath Hai.** <sup>92</sup>

**Waman Asdaq Minallai Hadeetha - Aur Allah Ta'ala Se Ziyaada Sacchi Baat Waala Kaun Hoga.** <sup>93</sup>

**Waman Asdaq Minallai Qaleela - Aur Allah Ta'ala Se Ziyaada Sacchi Baat Waala Aur Kaun Hoga.** <sup>94</sup>

**Wa Iz Qaalallahu Yaa E'esabna Maryama - Aur Wo Waqt Bhi Qaabil e Zikr Hai Jab Allah Ta'ala Farmaega Ke Aey E'esa Ibne Maryam.** <sup>95</sup>

**Wa Tammat Kalimatu Rabbiaka Sidqan Wa'aadla - Aur Tumhare Rab Ka Kalaam Sachai Aur Insaaf Ke Etebaar Se Kaamil Hai.** <sup>96</sup>

**Wa Kallamallahu Moosa Takleema - Aur Allah Ta'ala Ne Saaf Taur Par Moosa (a) Se Kalaam Kiya.** <sup>97</sup>

**Minhum Min Kallamallahu - In (Rasoolo'n) Mein Se Baaz Wo Hain Jin Se Allah Ne Baat Cheet Ki Hai.** <sup>98</sup>

<sup>85</sup> (Surah al Mulk: 16-17)

<sup>86</sup> (Surah al Hadeed: 4)

<sup>87</sup> (Surah al Mujaadela: 7)

<sup>88</sup> (Surah Tauba: 40)

<sup>89</sup> (Surah Taaha: 46)

<sup>90</sup> (Surah al Nahal: 128)

<sup>91</sup> (Surah al Anfaal: 46)

<sup>92</sup> (Surah al Baqrah: 249)

<sup>93</sup> (Surah an Nisaa: 87)

<sup>94</sup> (Surah an Nisaa: 122)

<sup>95</sup> (Surah al Maaeda: 116)

<sup>96</sup> (Surah al Anaam: 115)

<sup>97</sup> (Surah an Nisaa: 164)

<sup>98</sup> (Surah al Baqrah: 253)

**Wamma Jaa-a Moosa Limeqaatina Wa Kallamahu Rabbuhu - Aur Jab Moosa (a) Hamaare Waqt Par Aae Aur Inke Rab Ne Inse Baat Ki.** <sup>99</sup>

**Wa Naadainahu Min Jaanibit Tooril Aimaani Wa Qarrabnaahu Najyya - Aur Ham Ne Ise Toor Ki Daaei'n Jaanib Se Nidaa Ki Aur Raaz Goi Karte Hue Ise Qareeb Kar Liya.** <sup>100</sup>

**Waiz Naada Rabbuka Moosa Ani-til Qaumaz Zaalimeen - Aur Jab Tumhaare Rabne Moosa Ko Awaaz Di Ke Tu Zaalim Qaum Ke Paas Ja.** <sup>101</sup>

**Wa Naada Humaa Rabbuhumaa Alam Anhakumaa a'an Tilkumaash Shajarah - Aur Inke Rab Ne Inko Pukaara ke Kya Maine Tum Dono'n Ko Is Daraqht Se Mana Na Kiya Tha.** <sup>102</sup>

**Wa Yauma Younaadi Him Fayaqoolu Maaza Ajabtumul Mursaleen - Aur Jis Din (Allah) Inhei'n Bulaa Kar Poochega Ke Tumne Nabiyyo'n Ko Kya Jawaab Diya.** <sup>103</sup>

**Wa In Ahadum Minal Mushrikeenas Tajaaraka Fa-ajirhu Hatta Yasma'a Kalaamallahi - Agar Mushriko'n Mein Se Koi Tum Se Panaah Talab Kare To Ise Panaah Dedo, Yaha'n Tak Ke Wo Allah Ka Kalaam Sunle.** <sup>104</sup>

**Waqad Kaana Fareequm Minhum Yasmao'ona Kalaamallahi Thumma Youharrifoonahu Mim Ba'adi Maa A'aqaluhoo Wahum Ya'alamoon - Halaa'nke In Mein Se Aise Log Bhi Hain Jo Allah Ka Kalaam Sunkar Ise Samajhne Aur Iska Ilm Rakhne Ke Baad Bhi Ise Badal Daala Karte Hain.** <sup>105</sup>

**Yaureeduna Aie'n Yubaddiloona Kalaamallahi Qul-Lan Tattabo'ona Kazaalikum Qaalallahu Min Qablu - Wo Chhahte Hain Ke Allah Ke Kalam Ko Badal Dei'n, Aap Keh Deejiye Ke Allah Ta'ala Pehle Hi Farmaa Chuka Hai ke Tum Hargiz Hamaare Sath Nahi Chaloge.** <sup>106</sup>

**Watloo Maa Oohiya Ilaika Min Kitaabi Rabbika Laa Mubaddila Likalimaatihi - Aapki JaanibJo Aapke Rab Ki Kitaab Wahee Ki Gae Hai Ise Padhte Rahiye Iski Baato'n Ko Koi Badalne Waala Nahi.** <sup>107</sup>

**Inna Haazal Quraana Yaqussu A'ala Banee Israa'ela Aksarallazee Hum Feehi Yaqhtalifoon - Yaqeenan Ye Quran Bani Israel Ke Saamne In Aksar Cheezo'n Ka Bayan Kar Raha Hai Jin Mein Ye Iqhtelaaf Karte Hain.** <sup>108</sup>

**Wa Haaza Kitaabun Anzalnaahu Mubaarakun - Aur Ye Ek Kitaab Hai Jise Hamne Bheja, Badee Khair o Barkat Waali.** <sup>109</sup>

**Lau Anzalnaa Haazal Quraana A'ala Jabalil-lara-aietahu Khaashia'am Mutasaadia'am Min Khashiyatillahi - Agar Ham Is Quran Ko Kisi Pahaad Par Utaarte To Tum Dekhte Ke Khauf e Ilaahi Se Wo Past Ho Kar Tukdey Tukdey Ho Jaata.** <sup>110</sup>

**Wa Izaa Baddalna Aayatam Makaana Ayatin Wallahu A'alamu Bimaa Younazzilu Qaalu Innamaa Anta Muftarim Bal Aksaruhum Laa Ya'alamoon - Aur Jab Ham Kisi Ek Aayat Ki Jagah Doosri Aayat Badal Dete Hain Aur Jo Allah Naazil Farmaata Hai Ise Wo Khoob Jaanta Hai to Ye Kehte Hain Ke Tu To Bohtaan Baaz Hai, Baat Ye Hai Ke In Mein Se Aksar Jaante Hi Nahi.** <sup>111</sup>

**Qul Nazzalahu Roohul Qudusi Mir Rabbika Bil Haqqi Liyou-abbitalazeena Aamanu Wa Hudan Wa Bushra Lil Muslimeen - Keh Deejiye Ke Ise Aapke Rab Ki Taraf Se Jibraeel Haq Ke Saath Lekar Aae Hain, Taake Eman Walo'n Ko Allah Ta'ala Isteqaamat A'ataa Farmaae Aur Ye Hidaayat Aur Bashaarat Hai Musalmaano'n Ke Liye.**

<sup>112</sup>

<sup>99</sup> (Surah al A'araaf: 143)

<sup>100</sup> (Surah Mariyam: 52)

<sup>101</sup> (Surah ash Sho'ora: 10)

<sup>102</sup> (Surah al A'araaf: 22)

<sup>103</sup> (Surah al Qasas: 65)

<sup>104</sup> (Surah al Tauba: 6)

<sup>105</sup> (Surah al Baqra: 75)

<sup>106</sup> (Surah al Fatah: 15)

<sup>107</sup> (Surah al Kahaf: 27)

<sup>108</sup> (Surah an Namal: 72)

<sup>109</sup> (Surah al Ana'am: 155)

<sup>110</sup> (Surah al Hashar: 21)

<sup>111</sup> (Surah an Nahal: 101)

<sup>112</sup> (Surah an Nahal: 102)

**Walaqad Na'alamu Annahum Yaqooloona Innama Youa'allimuhu Basharul Lisaanullazee Youlhidoona Ilaihi A'ajameeyoun Wa Haaza Lisaanun A'arabiyyum Mubeen - Hamei'n Baqhoobi Ilm Hai Ke Ye Kaafir Kehthe Hain Ke Ise to Ek Aadmi Sikhata Hai Iski Zabaan Jiski Taraf Ye Nisbat Kar Rahe Hain A'ajamee Hai Aur Ye Quran To Saaf A'arabi Zabaan Mein Hai.** <sup>113</sup>

**Wujoohuee'n Yaumaizin Naazirah Ilaa Rabbiha Naazirah - Is Roz Bahot Se Chere Tar o Taaza Aur Baa Raunaq Ho'nge Apne Rab Ki Taraf Dekhte Ho'nge.** <sup>114</sup>

**A'alal Araaiki Yanzuroon - Wo Masheriyon Par Baithe Dekh Rahe Ho'nge.** <sup>115</sup>

**Lillazeena Ahsanul Husna Wa Ziyaadatah - Jinho'n Ne Neki Ki Hai Inke Waaste Khoobi Hai Aur Ispar Mazeed Bhi.** <sup>116</sup>

**Lahum Maa Yashaa oona Feehima Waladaina Mazeedun - Ye Waha'n Jo Chhahei'n Inhei'n Milega, Balke Hamaare Paas Aur Ziyaada Bhi Hai.** <sup>117</sup>

Is baab mein Quran e Kareem ke andar kasrat se ayaat waarid hain, jo shaqs hidaayat ki gharz se quran ke andar ghaur o fikar aur tadabbur kare iske liye raah e haq zaroor waazeh ho jaaeygi.

---

Author of the Book [Arabic]: **Shaikul Islam Ahmad bin Abdul Haleem Ibne Taimiyyah**

Translator of the book [to Urdu]: **Abul Mukarram Abdul Jaleel**

Transliterator of the book [to roman English]: **Rehan Syed Barey**

Note: I have tried to use the best & easiest words for transliteration, (I also tried to explain few words where ever required with (T :)), however If you find any thing which might make this transliteration even better then please inform me at [rehan.hse@live.com](mailto:rehan.hse@live.com)

Having read this article, if you deem it worth forwarding, please do forward to anyone you wish. If it motivates one person to come firmly on the track of Quran and Sunnah, I would consider my effort has been successful.

Dua-go,



**Rehan bin Saleem Syed Barey**

Dubai

06<sup>th</sup> of Feb 2012

---

---

<sup>113</sup> (Surah an Nahal: 103)

<sup>114</sup> (Surah al Qiyaamah: 22-23)

<sup>115</sup> (Surah al Mutfifeen: 23)

<sup>116</sup> (Surah Yunus: 26)

<sup>117</sup> (Surah Qaaf: 35)